

Noticia  
Transparente  
di Gobierno

# ISLA ONLINE

Diamars 15 October 2024

Email: [IslaOnline@gobierno.aw](mailto:IslaOnline@gobierno.aw) Tel: 528-4952



**STABILIDAD  
Y  
PROSPERIDAD**

2 0 2 4

**Gabinete Wever-Croes**





PROME MINISTER

Evelyn Wever-Croes

## Gabinete Wever-Croes a cumpli. Menos Impuesto, Mas Pensioen 6 BENEFICIO GRANDI PA PENSIONADONAN



Gabinete Wever-Croes a drenta gobernacion na aña 2017 cu e vision pa pone e pensionadonan central y ta esaki Gobierno a haci y ta haciendo tambe y a trece e cambio cu Aruba y nos pensionadonan merece. Prome Minister Evelyn Wever-Croes a indica cu Gabinete Wever-Croes semper lo sigui traha na bienestar di e pensionadonan di Aruba y lo sigui bringa pa trece alivio y beneficianan pa cada un di nan. Pa menciona algun beneficio cu nos grupo di adulto di edad halto a ricibi ta:

### A AUMENTA ENTRADA DI PENSIONADONAN:

1. Pensionado soltero: A aumenta pensioen di Afl 1.107,- na 2017 pa Afl 1.265,- na 2024. Esaki ta un aumento di Afl 158,-.
2. Pensionado pareha casa: A aumenta pensioen di pensionadonan cu ta pareha casa di Afl 1.864- na 2017 pa Afl 2.130,- na 2024. Esaki ta un aumento di Afl 266,-.
3. Reparatie toeslag: A aumenta di reparative toeslag di AFL. 100,- pa Afl. 200,- pa luna.

### A BAHA GASTO PA PENSIONADONAN; ENTRE OTRO:

4. Prima di AZV. Esaki a baha di 10.5 % pa 5%
5. Pensioen di SVB: A separa impuesto di parehanan casa cu pensioen di SVB
6. Pensioen bou 30.000 pa aña: no ta paga impuesto mas

“Menos Impuesto, Mas Pensioen! Gabinete Wever-Croes ta atende cu nos grandinan. E pasonan aki cu Gobierno di Aruba a tuma, ta trece alivio pa cu e situacion financiero di nos pensionadonan. Tur esaki ta parti di e estabilidad y prosperidad cu nos Gobierno ta busca pa Aruba, pa cada ciudadano riba e isla aki. Esey ta e compromiso cu nos a haci y nos ta cumpliendo”, Prome Minister a accentua.



# Prome Minister Evelyn Wever-Croes: Logronan di Gabinete Wever-Croes pa cu innovacion den enseñansa **GOBIERNO A LANSA PROYECTONAN DI INNOVACION EXITOSO PA CU EDUCACION DI NOS MUCHANAN**

Na aña 2017, ora cu Gabinete Wever-Croes a drenta gobernacion, un di e carteranan cu Prome Minister Evelyn Wever-Croes a tuma bou su encargo tabata e cartera di innovacion. Sigur un cartera cu pa Prome Minister tabata di suma importancia mirando e desaroyonan mundial pa cu digitalisacion. E mandatario a indica cu na momento cu el a tuma e cartera di innovacion, e tabata contempla cua ta e areanan cu mester haya extra atencion den e area di innovacion.

## E-LEARNING



Prome Minister a splica cu na aña 2018, a cuminsa cu planificacion pa cu innovacion, y na aña 2019 a cuminsa cu proyectonan piloto cu tabata yama E-learning. E meta di e proyecto aki tabata pa stimula e 21 Century Skills for di un edad hoben caba. A traves di Futura, Gobierno a yuda diferente scol pa haya borch digital. Scol Cacique Macuarima tabata e prome scol pa haya borch digital, y mirando e exito pa cu esaki, a sigui pa varios otro scol.

## EDUTECH

Na final di e proyecto di E-Learning, Futura a bin cu e idea pa cambia e concepto y pa aña escolar 2022-2023 a introduci e concepto di Edutech. E proyecto aki, a ofrece scolnan e oportunidad di gana fondo pa asina por adkiri materialnan digital pa nan scol. Di tur e proyectonan di innovacion, Edutech ta esun cu mas a resalta, mirando cu e interes di e scolnan pa participa tabata grandi. En total tabata tin 8 ciclo, cu ta cera un total di 800 mil florin cu Gobierno a bin ta pone durante e ultimo 2 añanan, pa yuda cu e proyecto aki. Un total di 21 scol a logra gana cu e proyecto di Edutech, pa un total di 123 laptop, 100 tablet, 3 tech-lab, y 44 eboards. Mirando cu e proyecto aki ta asina gusta, Gobierno lo haci su esfuerzo pa por continua.

## MO-B-BUS / MO-B-LAB

Gobierno di Aruba y Futura a lansa "Mo-B Lab". Esaki tabata



un proyecto di Gobierno den colaboracion cu Biblioteca Nacional y Metabolic Foundation (conoci pa Brenchie's Lab). E "Mobile Makerspace" ta un proyecto innovativo y sostenibel, y ta encera un bus, ekipa cu e ultimo tecnologianan, cu a bishita diferente scol y actividad na Aruba. E meta di e proyecto aki tabata pa prepara nos hobennan pa trabounan den futuro cu lo ta hopi tecnico.

Pa Prome Minister innovacion den enseñansa ta un topico hopi importante, mirando cu e lo tin un impacto grandi riba e futuro di nos muchanan. P'esey ta di suma importancia pa sigui ofrece e muchanan e medionan necesario pa engrandecenan conocimiento den e area aki. Gabinete Wever-Croes tin e compromiso pa sigui bin cu proyectonan innovativo, yudando asina e futuro generacion pa tin e conocimiento necesario pa den futuro por subi e mercado laboral exitosamente.





## MINISTER MADURO DI CULTURA A RECONOCE E 60 ANIVERSARIO DI SRA. BERTHA IVONNE WOLFF-CROES DEN FARANDULA DI ARUBA

Diadomingo den un Cas di Cultura yena di un publico grandi, Sra. Bertha Ivonne Wolff-Croes a celebra su di 60 aniversario den farandula cu un show titula, 'Concierto di Mi Bida.' Tabata un anochi bunita yena cu varios presentacion di Bertha y tambe di e grupo di artista invita cu a haci e anochi uno masha special pa Bertha y e publico presente. Minister Maduro hunto cu Minister President tambe tabata presente pa felicita Bertha y disfruta di e bunita concierto,

Pa e ocasion special, Minister Maduro den nomber di Gobierno di Aruba a reconoce e aniversario importante aki pa Bertha dentro di farandula na Aruba. Bertha no solamente a sa di deleita nos cu su canto, pero Bertha a conmove nos tambe cu su poemanan y tambe su bunita voz na radio pa mas di 30 aña caba. "Bo curiosidad y bo amor pa skirbi a cuminsa for di jong inspira pa bo ruman Aida Maria, cu a duna bo e push pa desaroya bo propio talento literario tambe. E dedicacion cu bo a muestra na skirbi poesia y letra pa cancion, pa diferente festival manera e.o. Festival di Himno y Bandera, ta evidencia di bo entrega pa nos dushi idioma Papiamentu y nos tradicionnan. Bertha, bo historia ta un ehempel di pasion y perseverancia. Nos ta felicita y gradicibo cu e bunita aniversario y ta spera cu nos bon Dios sigui bendiciona bo bida y talento," tabata palabra di Minister Maduro pa brinda homenahe y un recuerdo pa e bunita aniversario.











## A ONDERBREEK E STRAF DI SR. PAUL CROES CONFORME LEY A BASE DI SU CIRCUNSTANCIA ACTUAL DI SALUD



Diamars, 15 di oktober, Minister di Husticia y Asuntonan Social sr. Rocco Tjon, a tuma e decision a base di ley, wetboek van strafrecht, pa onderbreek e straf di sr. Paul Croes. Esaki mirando cartanan di dokter cu a ricibi dialuna, 14 di oktober, REGARDANDO su salud.

E mandatario a clarifica, cu esaki no ta un decision riba su peticion pa "gratie" ni tampoco riba su peticion pa por sali mas trempa a base di e asina yama 'trein regeling'.

Esaki a wordo splica claramente na e abogado di sr. Paul Croes den e Ministeriele Beschikking. E peticion aki, incluyendo e circunstancianan nobo mester wordo entrega cerca Gobernador.

Pa aworaki, conforme ley, e decision cu a wordo tuma ta pa onderbreek e straf pa un termino maximo di tres luna. E ultimo mirando e situacion medico di sr. Paul Croes. ■■■

# SINTONISA

## CONFERENCIA DI PRENSA DI GOBIERNO DI ARUBA

Gabinete Wever-Croes

### DIALUNA Y DIAHUEBS | 10:00 AM



# 2024

## AÑA DI STABILIDAD Y PROSPERIDAD



### Gabinete Wever-Croes

Arte di Muraya ta un expresion di creatividad sin limite cu ta transforma murayanan di San Nicolas den un galeria bibo cu ta conta historia, transmit emocion y tambe ta stimula e orguyo di un comunidad.

